



**KANTONALNOM SUDU U
BIHAĆU
- sudiji za prethodno saslušanje -**

Na osnovu odredaba iz čl. 45 st. 2 tač. (i), u vezi sa čl. 241 st. 1 Zakona o krivičnom postupku F BiH (Sl. novine Federacije BiH, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14),
podizem

O P T U Ž N I C U

PROTIV:

- 1. HALILA BAJRAMOVIĆA,**
- 2. RIFETA ALIBABIĆA,**
- 3. SANELA HAVIĆA,**
- 4. SMAILA TOPIĆA,**

ŠTO SU

Halil Bajramović, sam

1. Dana 22. februara 2005. godine, u Bihaću, s ciljem da pribavi novčana sredstva kojima bi financirao kupovinu hotela Union u Cazinu, Hypo Alpe-Adria-Leasingu, kao pravnom licu odnosno leasing kući kod koje je htio ishoditi navedenu pogodnost, dostavio zahtjev za financiranje fizičkih osoba br. 05/05 u kojima je, između ostalih podataka, naveo da prosječna mjesečna neto plaća ostvarena u zadnja tri mjeseca Halila Bajramovića kao podnositelja zahtjeva i osobe koja je zahtijevala odobrenje financijskih sredstava iznosi 5.400 Eura, odnosno da je u januaru mjesecu 2005. god ostvario platu u iznosu od 10.561,48 KM, a koji podatak nije bio tačan, kojih radnji i posljedica tih radnji je bio svjestan, te ih je htio, uslijed kojih radnji je pribavio kreditna sredstva u iznosu od 1.024.000,00 KM

Dakle, s ciljem da za sebe pribavi kredit, davatelju kredita dao neistinite podatke o imovinskom stanju, a pribavljen je kredit u vrijednosti koja prelazi 50.000 KM

2. Dana 6. maja 2005. god., u Cazinu, kao odgovorna osoba u svojstvu faktičkog direktora d.d Dubrava Cazin tj. kao član skupštine društva koji faktički vrši upravljačku funkciju u navedenom privrednom društvu, iskoristio svoj službeni položaj na način da je iz blagajne društva d.d. Dubrava Cazin, kojoj je imao pristup s obzirom na gore navedenu funkciju, uzeo i za sebe prisvojio iznos od 49.900,00 KM, kojih radnji i posljedica tih radnji je bio svjestan, te ih je htio, pribavivši na opisan način korist za sebe u iznosu od 49.900,00 KM

Dakle, kao odgovorna osoba u federaciji, iskorištavanjem svog službenog položaja, pribavio sebi korist koja prelazi iznos od 10.000,00 KM

Halil Bajramović i Smail Topić, zajedno, kao saizvršioци

3. Dana 29. aprila 2005. god., u Cazinu, Halil Bajramović kao odgovorna osoba u svojstvu faktičkog člana uprave društva tj. kao član skupštine društva koji faktički vrši upravljačku funkciju u d.d. Dubrava, te Smail Topić, kao odgovorna osoba svojstvu formalnog direktora d.d. Dubrava Cazin, u cilju da Halilu Bajramoviću pribave korist u vidu odobrenja kredita u iznosu od 1.024.000,00 KM, kojim sredstvima bi isti financirao kupovinu Hotela Union, iskoristili svoj službeni položaj na način da su, suprotno čl. 16 Zakon o privatizaciji preduzeća (Sl. novine FBiH br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04) prije završetka procesa privatizacije d.d. Dubrava Cazin zasnovali založno pravo u korist povjerioca HYPO-ALPE-ADRIA-LEASING d.o.o. Sarajevo na nekretnini založnog dužnika Dubrava d.d. Cazin i to nekretnini upisanoj u A listu zk. ul. br. 2938 k.o. Cazin, označene kao kč. br. 512/4 „Hotel Union“, a kako bi Hypo Alpe Adria Lieasing odobrio Halilu Bajramoviću kreditna sredstva u iznosu od 1.024.000,00 KM kojim bi isti kupio predmetnu nekretninu, pa nakon što je navedeni kredit realiziran Halil Bajramović je tim novcem kupio naprijed navedenu nekretninu, kojih radnji i posljedica tih radnji su bili svjesni, te su ih htjeli, i na taj način pribavili za Halila Bajramovića korist u vidu korištenja nekretnine koja je u vlasništvu d.d. Dubrava kao založne stvari u cilju odobrenja kredita

Dakle, kao odgovorne osobe u Federaciji, iskorištavanjem svog službenog položaja, Halilu Bajramoviću pribavili korist

Halil Bajramović i Rifet Alibabić, zajedno, kao saizvršioци

4. Dana 31.12.2007. god. u Cazinu, kao odgovorne osobe i to Halil Bajramović, kao odgovorna osoba u svojstvu faktičkog člana uprave d.d. Dubrava tj. kao član skupštine navedenog društva koji faktički vrši upravljačku funkciju u d.d. Dubrava, a Rifet Alibabić kao odgovorna osoba u svojstvu formalnog direktora d.d. Dubrava Cazin, iskoristili svoj službeni položaj na način da su, rukovodeći se interesima Halila Bajramovića a ne interesima društva kojim upravljaju, sačinili i potpisali službenu zabilješku br. 2/07 kojom se konstatira da je Halil Bajramović platio 35 računa privrednog društva d.d. Dubrava Cazin u ukupnom iznosu od 109.571,18 KM, te na osnovu tako sačinjene službene zabilješke u knjigovodstvu d.d. Dubrava Cazin prikazali navedeni iznos kao ulaganje Halila Bajramovića u d.d. Dubrava Cazin i to kao ispunjene djela obaveze preuzete Ugovorom o kupoprodaji 67% državnog kapitala d.o.o. Dubrava, iako 3 računa na ukupan iznos od 4.292,20 KM nikad nisu plaćeni, dok su računi u ukupnom iznosu od 75.951,39 KM, plaćeni sa transakcijskog računa d.d. Dubrava, odnosno od strane d.d. Dubrava kao dužnika, a ne neposredno od Halila Bajramovića, kojih radnji i posljedica tih radnji su bili svjesni, te su ih htjeli, pribavivši na opisan način korist za Halila Bajramovića u iznosu od 80.243,59 KM

Dakle, kao odgovorne osobe u Federaciji iskorištavanjem svog službenog položaja, pribavili imovinsku korist koja prelazi 50.000 KM, te kao odgovorne osobe u Federaciji svojim potpisima ovjerali poslovnu ispravu s neistinitim sadržajem

Halil Bajramović i Rifet Alibabić, kao saizvršiooci a Sanel Havić kao pomagač

5. U periodu od 15.8.2007. do 25.6.2009. god., u Cazinu, Halil Bajramović, kao odgovorna osoba u svojstvu faktičkog člana uprave d.d. Dubrava tj. kao član skupštine navedenog društva koji faktički vrši upravljačku funkciju u d.d. Dubrava, Rifet Alibabić, kao odgovorna osoba u svojstvu direktora d.d. Dubrava Cazin te Sanel Havić kao direktor d.o.o. Hotel Cazin, nakon što je Halil Bajramović putem privrednog društva d.o.o. Rad Putevi osnovao privredno društvo d.o.o. Hotel, direktor kojeg je u navedenom periodu bio Sanel Havić, iako su sva trojica znali da je d.d. Dubrava postala nesposobna za plaćanje i da su joj transakcijski računi otvoreni kod poslovnih banaka bili blokirani, d.o.o. Hotel i d.d. Dubrava zaključuju više ugovora o poslovnoj saradnji kojim je d.d. Dubrava na ekonomsko iskorištavanje pravnom licu d.o.o. Hotel Cazin ustupila jedan dio smještajnih kapaciteta hotela Sedra, koji hotel je bio hotel u vlasništvu d.d. Dubrava i predstavljao je hotel u kojem je navedeno privredno društvo isključivo vršilo svoju privrednu djelatnost, da bi d.o.o. Hotel dalje ekonomski eksploatirao te iznajmljene kapacitete na način da je u iste smještao goste i naplaćivao te usluge žiralno putem banke, nakon čega bi d.o.o. Hotel sa bankovnih računa podizao tako prihodovan novac i uplaćivalo ih u svoju blagajnu te plaćalo svoje obveze prema d.d. Dubrava gotovinski, uplatama u blagajnu d.d. Dubrava, izbjegavajući na taj način polaganje novca na bankovne račune d.d. Dubrava zbog ranije izvršene blokade, a sve navedeno su radili u cilju izbjegavanja plaćanja dugovanja kojim radnjama su oštetili povjerioce d.d. Dubrava za navedene novčane iznose

Dakle, Halil Bajramović i Rifet Alibabić, kao odgovorne osobe pravnoj osobi, znajući da je pravna osoba postala nesposobna za plaćanje, u cilju izigravanja povjritelja, prevarnom radnjom oštetili povjerioce pravne osobe, a Havić Sanel, znajući da je pravna osoba postala nesposobna za plaćanje, pomogao da se prevarnom radnjom oštete povjerioce pravne osobe

Čime bi, Halil Bajramović počinio, pod tačkom 1 krivično djelo Obmana pri dobijanju kredita ili drugih pogodnosti iz čl. 268 st. 3 u vezi sa st. 1 Krivičnog zakona F BiH ('Službene novine Federacije BiH' br. 36/03, 37/03, 21/04, 69/04, 18/05, 42/10, 42/11, 59/14 i 46/16 – dalje: KZ FBiH), pod tačkom 2 krivično djelo Zloupotreba položaja ili ovlaštenja iz čl. 383 st. 2 KZ FBiH, pod tačkom 3 krivično djelo Zloupotreba položaja ili ovlaštenja iz čl. 383 st. 1 u vezi sa čl. 31 KZ FBiH, pod tačkom 4 krivično djelo Zloupotreba položaja ili ovlaštenja iz čl. 383 st. 3 u vezi sa st. 1 KZ FBiH u idealnom sticaju sa krivičnim djelom Krivotvorenje službene isprave iz čl. 389 st. 1 KZ FBiH, a sve u vezi čl. 31 i 54 st. 1 KZ FBiH, pod tačkom 5 krivično djelo Oštećenje povjerioca iz čl. 246 st. 2 u vezi sa čl. 31 KZ FBiH; Rifet Alibabić počinio, pod tačkom 4 krivično djelo Zloupotreba položaja ili ovlaštenja iz čl. 383 st. 3 u vezi sa st. 1 KZ FBiH u idealnom sticaju sa krivičnim djelom Krivotvorenje službene isprave iz čl. 389 st. 1 KZ FBiH, a sve u vezi čl. 31 i 54 st. 1 KZ FBiH, pod tačkom 5 krivično djelo Oštećenje povjerioca iz čl. 246 st. 2 u vezi sa čl. 31 KZ FBiH; Smail Topić, pod tačkom 3, počinio krivično djelo Zluporaba položaja ili ovlaštenja iz čl. 383 st. 1 u vezi sa čl. 31 KZ FBiH; te Sanel Havić, pod tačkom 5, počinio krivično djelo Oštećenje povjerioca u pomaganju iz čl. 246 st. 2 u vezi sa čl. 33 st. 1 KZ FBiH